

✓
Hsia erh kuan chen

PL 2706

.H87

v.4:3

遐邇貫珍

一千八百五十六年二月初一日 第叁號

香港英華書院印刷

英年月閏日歌訣

耶穌降生一千八百五十六年日記

英年十二月

正月初一日

即乙卯十一月廿四

三月禮拜詳序

其數同中原

二月初一日

三月廿五

一 英初二

三月初一日

丙辰正月廿五

唐正月廿六

四六九十一

四月初一日

二月廿六

二 英初九

卅日皆圓全

五月初一日

三月廿七

唐二月初三

餘月增一日

六月初一日

四月廿九

三 英十六

此數亦易言

七月初一日

五月廿九

唐二月初十

惟逢第二月

八月初一日

七月初一

四 英二十三

二十八日焉

九月初一日

八月初三

唐二月十七

四歲二月閏

十月初一日

九月初三

五 英三十

廿九日回還

十一月初一日

十月初四

唐二月廿四

第三號目錄

繼造玻璃論

砵非立金山地志

繼磐石形質原始

磐石方位載物論

京報

香港進支費項

近日雜報

印度國總理大臣示

洋船在香港搭載唐人規例開列

歐羅巴新聞畧

雜報

米厘邦埠新例

通
員
珍

CHINESE SERIAL.

VOL. IV. No. III.

March 1st, 1856.

INDEX OF CONTENTS.

The manufacture of glass. (2nd notice,—with wood-cuts.)

On the Geological structure of the Earth (continued from Muirhead's physical geography).

Hongking to Port Philip,—notes on the voyage and observations at the gold diggings (communicated from Melbourne by a Chinese).

Extracts from *Peking Gazettes*.

Proclamation by the Governor General of India of the present results of the Russian war.

Revenue and expenditure of Hongkong during 1855.

Estimated revenue accruing to China from her trade with Great Britain.

The Chinese Passenger Act of 1855.

The Russian Emperor's visit to Sebastopol

Explosion of gunpowder in French and English magazines.

Battle of the Ingour.

Visit of the King of Sardinia to Queen Victoria.

Further transmission of foreign seamen from Corea *via* Peking.

Destruction of stores of grain in the sea of Azov.
Reported occupation by Rebels of the cities of Lin-
keang, Yuen-chow, and Foo-chow, in Keang-se.
Capture of pirates at Chusan by "*Barracouta*" and
Confucius.

Summary case of debt at Supreme Court.

Arrival of new Attorney General, and departure of
other officers on leave.

Present Regulations under which Chinese Emigrants
find admission to Melbourne.

Death of the Governor of Victoria province N.S.W.
Hongkong Races.

Fire at Hongkong, on 23rd February.

Proceedings against pirates by *Coromandel*, *Barra-*
couta, and *Bittern*.

Arrivals of Chinese passengers at Hongkong in
foreign ships, from 1st to 26th February.

追邇貫珍




繼造玻璃論


夫煮料之法，先用大木盆一個，將各料物放置其中，使之和勻，然後放入坭鑊，將此坭鑊置在爐口內，先用慢火徐徐燃煮，約煮四日之久，各料物乃鎔化爲一，帶熱時，趁其質軟，先用刀裁成四方餅片，待凍後取出，復將餅片放入頭爐口坭鑊內，此頭爐共有十餘口，每口內先藏坭鑊一隻，安置穩當，不能移動者，其鑊高約二尺，闊約三尺，須用好坭練得堅固，以防罅漏之虞。及煮料時，亦如前法，待餅片鎔化，其中泥氣悉浮料面，于是將此坭氣去清，然後作器。○如若作樽，則用鐵管入爐取料，料上管端，然後放入模內，用口吹滿模中，待片刻間，開模取出，約一時許，可造成樽一百二十個，其快便有如此者。後將樽載列盆中，再放入二爐之內，此二爐甚長，兩頭相通，祇用一頭起火，先將載樽之盤放在爐口近火處，然後漸移漸遠，使其不迫于凍，然後其樽乃得堅固，所載樽之盤，各循次第放入，魚貫相移，使工夫無間斷也。○若作玻片，則用鐵管放入爐內取料，料上管端，約重七八斤，先畧吹開其口，次用一人以鐵竿一條，將竿頭

沾料小許，粘在該料之背，與前面鐵管相對，待粘實後，乃將凍水沾潤管端，取離鐵管，若該料將凍，則放入爐口焙熱，然後兩手將鐵竿搓擲旋轉，該料自然由管口隨轉隨開，瞬息間，便能開張成片矣。片既成後，放入二爐，亦如局樽前法。○若作照身大鏡，則以上好之料爲之，先用鐵檯一張，檯面四圍有邊欄高起，檯足有輪，料器鎔化，即推檯就近爐邊，用鐵鉗抽起坭鑊，將料器傾倒檯面，以銅棍一條，在料上往復旋轉，使之平勻，待凍後，再入二爐，亦如前法，然須局至十五日之久，方可取出，時先以水和灰，置在檯面，然後將鏡片放在灰上，取其相粘不動，先用火石粉、鐵粉和水，上置玻片，按而磨擦，後用細粉繼之，底面皆如是施工，如片中間有瑕疵，則裁作小鏡以避之，若全體粹然，方取以爲照身鏡，故照身鏡價值特高，其至大者，高有一丈五尺，闊有九尺，誠大器也。茲特繪其爐鑊等具于左，以便省覽。

裁料器具



爐口 內藏坭鑊




煮料頭爐



做花鑄工




鑄模 其機關可以聯合



煮器二爐



坭鑊





Digitized by the Internet Archive
in 2016

砵非立金山地輿志

此志乃友人自金山寄來者

咸豐乙卯，余從香港揚帆南行，一月之間，過了安南、暹羅、越裳氏之國，漸入荷蘭之海。又舟行一月，方見小山，由是山山相連，絡繹不絕。時維夏月，天氣苦寒，而舉頭一望，日由北方升降，心甚奇之。雖雲雷風雨，無甚分別，惟南風甚寒，北風苦熱。蓋此間似別有天地，而寒暑與唐山盡相反者也。不數日，見兩山排列如門，門內有一大湖，番船不下數千，湖邊岸上亦有番屋星布。有一小河自湖而入，不下十里之遠，有一大埠，名曰密里般，即砵非立。鋪戶有數千之多，人烟輻輳，車馬相逐，每見女人貿易，其鋪屋皆以木板爲牆，以白鐵爲瓦，亦有以石爲牆者。至於貧者，皆以布爲之，以其價廉而工省也。其幅幘之廣，可比中原，其東北與乞列荷蘭相連，其西南與雪梨相通，橫直約計不下萬里之遙。其產金之地，離大埠三百餘里，週圍亦有數百里之廣，但其中亦大半無金者。雖天地有無盡之藏，而亦不濫以賜人者也。蓋其地平原甚小，坵陵居多，然亦罕名山大川，故萬里之遠，並無河水可通舟船者，是以採金之人，每苦無水，更畏跋涉。

其運動糧草器用之具。每藉牛馬之力。所異者。其牛馬之種。倍大於唐人牛馬。或者 上天特降此奇種。以効勞於人。未可知也。不特其犬通人性情。卽牛

馬亦通人言語。過山越嶺。任重而致遠。雖其地新開。禾稻依稀。花草亦少。處處皆樹林蔭鬱。而山禽殊多。烏鴉白雀之類。而野獸並無豺狼虎豹之形。至於蛇虫鼠蟻。狐狸等物。亦所罕覩。鼠竊狗偷。截摸等情。亦所罕聞。可謂太平境土者矣。惟有山人一種。其人黑身裸體。其髮青。其睛赤。皆養犬爲捕獸之助。暑天借樹而亭。冬天藉火爲衣。其法以樹爲一大圈。數十人坐其中。使皆得溫暖。而無寒氣侵焉。其取火識鑽樁之法。其飲茹遵血毛之規。然其性甚馴。似有仁讓愧恥之風。近來常有取羊皮爲衣。或拾人衫褲以蓋身。見人則垂頭丐食。所丐之物。必與同人。故人謂其有葛天氏之民風焉。但歐羅巴人已踞其地。立法甚嚴。其人皆退處深山窮谷之中矣。現據英吉利人。規例甚美。視人猶己。處事均平。其防微杜漸之法更密。所立取金規條之善。不能枚舉。其於無論英番人等。此處唐人。亦屬番人之稱。取金多少。欲回本國者。先交官府。官府必命人傳送落

船無誤是可見也。其國法密刑疏有一等亞里市人強悍凶惡不畏國法往往搶奪唐人坭口雖官府亦無奈何嘗在孖罈辣坑與官府抗衡於是官府行文往雪梨起兵千餘然後剿滅是以亞里市人散走各坑況此處其人最多至今猶怙惡不悛時時刻酷唐人而現今英官見唐人甚衆欲免亞里市人凌奪之弊每坑使唐人住成一幅每幅立頭人一個管理每人每年多取身家銀紙一磅以給頭人工食其意雖美殊不知取金之難也蓋人少則取之不窮人多則數日而盡欲取於別處則往復甚難蓋唐人甚苦之況大埠欲於唐人初到之日每人取銀十磅方許上船如此等法唐人斷難久居而掘金之事每日所得亦僅供每日之用故長居此地而不獲一金者間亦有之大抵所獲之多寡總視乎其人之勤惰而已有志是土者當先自諒之

繼磐石形質原始論

磐石有層累之形曰有層累石有渾成之形曰無層累石至石所生之原爲西士考驗而知略有四端一曰火奮石一曰渣滓石一曰化形石一曰集成石火

奮石者初出地內厥形不一或生於深淵質甚柔性甚熱後漸涼而堅凝上有重壓至地內熱氣蒸鬱則突出于崇山之巔其未堅凝之先亦貫通上層之隙如花剛石細沙白石翡翠石白斑紅石數種是也或生于火山其火吐時出至地面而凡所遇之質皆被融化故其所成之石形體甚異如綠石溫石柱形石白斑紅石等皆列如梯故總名曰梯石以上諸石皆無層累渣滓石者其初乃流水泥沙沉于湖海之底如沙石白粉泥沙鐵石花石數種是也化形石者其初卽渣滓石後爲火奮石熱氣所乘變其形質故稱此名如石英泥版石是也集成石者卽粗細沙石以前三種合而成之如蠻石花蕊石是也渣滓石以下三等皆有層累論諸石所生之時火奮石最先然非一時所成間有在他磐石之後者餘石亦然此理以石之方位形質及飛潛動植之遺迹可證也

磐石方位載物論

究磐石之方位先觀其最下者察地理之士推之最下乃最久於是地殼之堅石臚列如左火奮石層其中花剛青尤廣布于衆石之下與諸等梯石時出地

面而超越其上。至於高山之巔。此石皆有渾然錯綜之形。無生物草木之迹。化形石層。厚二千餘丈。大槩覆于花剛青。有縱橫斜豎各形。時成至峻之山。廣大高原。內有紋形石。金星石。雲母石。石英。泥版石。皆無生物草木之迹。金銀銅鐵。產其中者甚多。

渣滓石層。其質甚異。砂石最夥。爲泥沙寒水石所成。中有生物草木之迹。今西士已見者。約有三萬種。觀其形象。察其同異。故分此層爲三等。自下至上。名曰第一迹層。第二迹層。第三迹層。

第一迹層。內有泥版石。青石。沙石。初生於洋底。至今其波浪漸磨之迹。猶時見之。內則僅有洋海生物之蛻而已。緣其遺迹不一。自下至上。又分爲三層。一曰堪比安層。爲英部舊名。內產此石。其層厚約九百丈。生物之迹幾絕。惟有珊瑚。蚌蛤。曲蟲數種。爲生物已見之迹。最古者。一曰下西路畧層。一曰上西路畧層。亦英部舊名。皆厚千餘丈。究其生物之迹。已見八百種有奇。如微魚有百合花之形。三節蟹。洋殼約有各種。珊瑚甚衆。上有魚迹。狀如蝦蛭。變化爲石。形體甚

備其類今已殲滅此層之間亦有陸海草木遺迹西士已見二百三十種大畧如海菜木賊鳳尾草見此草類及珊瑚衆多洋殼甚廣可知斯時全地氣候溫和北半球亦滿以洋海州島始露其巔至將盡時常有地震及火山吐焰此層見於歐羅巴阿非利加亞墨利加數處

第二迹層爲歐洲高土之大半皆以先層之渣滓沉于海底而成已久墳爲槁壤自下至上共分六層一曰舊紅砂石其層或厚一千丈中有紅黃砂石珊瑚灰石集成石土壤等其色因鐵鏽而然草木遺迹無多生物之迹已見千餘種或自爲生成異于他處或如淡殼珊瑚與上下層之跡相同中有魚迹數種形似蠅蛭或甚大或頭有堅骨之牌或披繪瑯鱗附隸如翅其族已滅今之鯊魚與彼相似此層見于英峨雪山之南一曰煤層其下有山粉石上有煤鐵石磨石泥版石沙石相間舊紅沙石所沉之後地久安靜氣候均和故北半球始生之州島林繁草茂後以淡水鹹洋間有泛濫雜于泥沙漸爲堅凝至水退槁壤顯露卽爲煤層其中草木之迹甚繁所聚一千五百有餘時得果實卽可識其

種類大概如鳳尾樹時高四五丈金釵斛或高大或如熱道之苔蘚松杉成林棕櫚草類數種歐羅巴亞墨利加生煤層之時草木種類大抵相似因洋海廣大州形如島鳳尾松杉之樹所產紛繁以及遍地暖濕和平之氣可知斯時北半球與南平洋島無大參差耳其層生物之迹皆在山粉石之中時厚九十丈如百合花形魚洋殼珊瑚蜂房甚大由此可證斯時遍海和煦在北亞墨利加有足跡如蛙形大且異近見于此層中數處煤層以地震攪動其震常在第二迹層之時乃州島漸從深洋而出凡地面變遷或火或水每以由漸而成斯時舊層石撓于新石因地震自下而上亦非一時全區墳起此層首見於英合衆部次之以佛郎西比利時日耳曼峨羅斯印度中華澳大利等一曰黃灰石層中有花蕊石石膏沙石土壤惟黃灰石最多時有積粒之形草木生物遺迹種類與他處不同間與煤層之迹相雜亦有數魚迹埋藏其中後則其形不再見矣此屬一類早已遍海今之鯊魚鰐龍魚與之相似斯時舊造之物漸滅新造之物滋生如蠕蜒二族後在陸海之中久爲雄長其跡於英日黃灰層之間此

層見於英日峨等。一日新紅沙石層。中有紅壤、泥土、石鹽、石膏、彩色沙石、皆爲化形之泥版石。白斑紅梯石。中有鐵銹、相劇而成。此層草木之迹、已見者約有百種。時有蛙類甚大。至今其跡留於海濱。以是推之。其土初必甚軟。日耳曼有遺迹四十七類。如介殼、脆骨魚、百合花形魚。其迹與上下層之迹畧相殊異。又有蟹蚌龜蠅蜒數類。及其餘之形迹甚衆。此層見於中英日合衆部之間。一日蛋形石層。又名鯢石。其石如蛋。或如魚子。亦稱魚子石。地久安靜。此層沉于洋底。深淺不一。內有泥沙、沙石、土壤、青石。其時歐羅巴水沉之質。皆有變遷。如紅鐵汚沙石、黑煤、玄色層。次第相繼。爲淡藍泥、淡黃灰石、白粉。新漲州島草木繁盛。大概與今時熱道所生者。形狀相同。惟見其上層之種類。可知此時氣候漸變。至於生物。歐羅巴海內洋殼、珊瑚衆多。旋螺及墨魚之類。大小無數。埋于層中。百合花形魚亦繁。更有魚迹錯雜異于下層。其類已滅。有鱷魚、羣游海濱河口。餘則如蠅蜒、殊形巨狀。或居于天空地面洋內。他若昆族昆蟲之迹。與二幽額之骨。其衆生物形漸變化。可知地面形勢。亦有變遷。此層見于大英廣

土歐之數處。一曰白粉層。中有泥土。綠沙。鐵沙。青石。白粉。諒爲珊瑚介壳所毀而成。此層之間。白粉時缺。餘則皆備。惟因其迹同于白粉。故知其屬於白粉層中。英之東南。此層底有淡水。水泥。草本之迹。與熱道所生者不異。可知彼時氣候尙暖。其草木則鳳尾杉樹甚多。其生物則產龜。與今熱道所生者相似。蠅蜒五類。或長三丈。羣游于湖內河口。此泥層有淡水。壳。鯉魚之族。爲是時地沉之一處。英南泥層之上。有白粉層。洋蛻彌滿。種類甚殊。北歐羅巴有沙白粉之土。遍於數處。南方灰石亦然。內藏洋壳。異于今時。由此可知。此層生時。洋海布于歐南。中有鱉迹。珊瑚。又有微殼。爲白粉質之大半。亦足見古今種類相同。生物此其最始也。斯時禽獸。洋鱗。已相區別。各居其處。大畧與今相類。昔鱷魚之類。形體修偉。斯時漸缺。後則罕見。惟有一族甚大。狀如蛤蚧。自黃灰石。至白粉層。止見二鳥之迹。一在瑞士。一在大英。北亞墨利加鳥跡紛繁。隔于煤層。蛋層之間。其跡或大于駝鳥。此層見於英東南。佛北方。日亞墨利加。

京報

十一月廿三日上諭武隆額奏官軍擊賊獲勝皖省逆匪占踞麻種地方本月初九日該提督派令參將成齡帶兵迎勦我軍奮勇砍斃賊四百餘名成齡匹馬當先冲入賊隊遊擊巴哈布點放火炮斃賊數十被賊札傷陣亡此次剿辦稔匪擒斬多名着卽奮力進剿盡殲醜類

十一月廿四日上諭和春奏稔匪竄入英山請將被戕各員議卹稔匪李兆受竄踞英山詭稱投誠已革道何桂珍密約羅田等處團練會捕謀洩被戕英山縣蘇秀槐縣承任春和把總高長發等同時被害經委員劉兆彭調集羅田英山各勇會合進攻李兆受率黨冲出勇目滕如芳殲斃騎馬賊三十餘名賊潰入城各勇追殺合圍攻擊共斃二百餘名立將英山克復

十一月廿八宮文奏爲漢陽逆賊傾巢來撲連日拒戰大獲勝仗惟李光榮以巡哨前往雖殺賊制勝而十日之久未能築一堅營賊至不能抵禦若非後隊極力殺敗豈不悞事請旨摘去頂帶

十一月廿九日上諭官文奏剿賊大勝克復寧金口一摺逆匪自蒲圻敗竄

後復約興國大冶之賊屯聚咸寧。本月初九日，羅澤南督勇前進，賊蜂擁出樸官軍奮刀迎擊，追至橋頭，殺賊百餘。十一日黎明，羅澤南乘大霧壓城列隊，賊瞥見旌旗林立，登時大亂，縱火焚燒橋亭。兵勇分路急攻，直逼城下，鼓勇齊登，盡毀城上賊棚，截殺數百人。當將縣城克復，武昌城內復出賊八九千人，于五里街等處修築木壘，以拒官軍。羅澤南乘賊壘未定，率勇于十四日直衝賊隊，賊分三路來迎，官軍殲其前鋒數十人，賊勢敗卻。其伏賊又被蔣益禮等搜殺淨盡，賊衆大潰，輜重狼籍，共斃賊千餘。賊聞官兵陸路大獲勝仗，悉聚羣賊水路夾護，楊載福督師兩岸進發，于十二日齊抵金口。賊以大炮船橫截中流，快划甚密，鮑超奮當勇先，各師分左右抄出，鏖戰多時，愈逼愈近，火器齊發，賊悉棄船而遁，燒沉賊船大小數十號。楊載福遂將水師分泊金口，副將王國才進屯口。此次水陸獲勝，軍威大振，着官文迅克武漢。十二月初一上諭，托明阿奏捐築長圍，著有成效，逆匪占踞瓜洲，屢圖竄撲，居民捐築長圍，工程告竣，現在移營進逼，賊勢窮蹙。

上諭托明阿奏圍剿瓜洲水陸獲勝瓜匪勢蹙欲謀上竄金陵賊渠亦遣大股下援十一月十六日瓜鎮賊牌二座並賊船大小百餘隻與北岸陸賊上撲土橋經托明阿派總兵陳國太水陸攻剿將賊牌焚毀斃賊無數沉船數十隻其金陵逆賊萬餘水陸下援經向榮吉爾抗阿派兵將陸路之賊前後剿擊其水陸賊船下至燕子磅適遇總兵陳世中師船迎擊焚燬賊船殲斃無數追至觀音門賊船進口逃匿餘匪登岸又被官兵追殺賊屍枕藉此次瓜匪冒屍突圍及金陵援匪均經我軍痛剿大挫凶鋒着卽迅圖克復

一千八百五十五年香港進支糧餉費項總數開列

一進地價地稅

銀 三萬二千六百四十七員一毛五

一進屋租等項

銀 一萬二千八百四十六員四毛

牌照

一進販賣零星燒酒牌照

銀 一萬二千零六十員一毛四

一進餉押牌照

銀 三千八百五十大員

一進開投貨物牌照

銀 一千零五十員 八柱牌照共進

一進販鹽經紀餉

銀 一千五百員 餉銀三萬一百

一進開山挖石餉

銀 七百十五員 六八員五毛八

一進開設玻璃牌照

銀 一百五十員

一進販賣零星烟土煮熟烟膏牌照

銀 一萬二千二百七十九員四毛四

一進開設水手歇店牌照

銀 四百九十四員

差役餉銀

一進一千八百五十四年數尾

銀 四萬六千六百四十五 共進差餉銀一

一進一千八百五十五年餉

銀 一萬八千三百五十五 萬八千三百五十五

官署罰項票金等

一進臬憲衙門罰項

銀 一千零二十員

一進刑訟司衙門並紳士堂罰項

銀 四千八百二十三員一毛八五

一進香港船政廳罰項

銀 一百二十員六毛 六柱共進罰項

一進巡捕官署罰項

銀 二百八十四員零六 銀 三十九員八毛四

一進捕廳署罰項

銀 二十員

一進紳士一位罰項

銀 三十六員

一進臬憲衙門票金差費

銀 三員六毛六 二共進票金銀 四員

一進刑訟司衙門並紳士堂票金

銀 九員二員六毛五 四員三毛一

一進巡捕官署充公貨物總項

銀 七百六十六員六毛二

一進婚姻帖

銀 三十六員

一進黃坭涌山墳塚地

銀 九百八十四員八毛

一進各官衙簽字蓋印

銀 九百三十八員

一進監督署發船艇連小販牌照

銀 六千五百九十二員六毛二

一進轉換地紙

銀 九百十三員六毛四

一進洋船在港僱請水手抽收用項

銀 五千零三十八員

一進大牌照

銀 八百六十員

一進驗船並丈量船隻

銀 一千零八十員

一進賣物業

銀 六百七十五員

一進收回費項

銀 一千七百六十九員一毛二

一進雜項

銀 三千二百零一員七毛八

一進各零碎數

銀 二百十員七毛五

總共進銀二十三萬零二百七十三員零六五

一支總憲署

銀 一萬二千八百八十九員一毛五

一支香港僚佐官署

銀 一萬一千七百九十一員八毛四

一支帑項僚佐官署

銀 六千五百二十六員四毛四

一支總理香港數目官署

銀 三千六百三十五員九毛九

一支創例堂司事房

銀 五百三十一員二毛四

一支量地僚佐官署

銀 六千八百十七員零六

一支監督官署

銀 一千七百五十二員四毛三

一支香港船政廳

銀 六千三百七十一員六毛一

一支督記婚姻事務官

銀 二百四十員

一支督理適他國搭客船隻事務官署

銀 九百六十二員三毛一

一支管理差餉官署

銀 五百九十一員五毛三

一支臬憲衙門

銀 二萬九千一百五十八員四毛六

一支耶穌教師堂

銀 三千五百三十六員八毛二

一支醫生院

銀 九百六十員

一支醫藥局

銀 六百二十四員

一支各義學

銀 六百五十八員一毛七

一支刑訟司衙門

銀 一萬零五百八十四員六毛一

一支捕廳官署

銀 五千三百四十八員五毫三

一支總領巡捕官署

銀 二萬二千一百七十一員一毫四

一支歸田俸並濟卹等項

銀 二千三百七十五員六毫八

一支收理稅務雜費	銀二千二百七十二員五毫二
一支各審判公衙碎用	銀二百七十三員五毫四
一支義學書館費項	銀二十三員
一支醫局碎用	銀一千三百五十七員四毫七
一支差館監房費項	銀八千八百九十一員三毫八
一支租項	銀三千七百七十員三毫八
一支犯人充軍費用	銀四千零八員八毫八
一支建造	銀四萬零一百十三員六毫六
一支收整街衢橋路	銀七千三百六十六員一毫四
一支碎用	銀三百零一員一毫正

總共支出銀拾九萬五千九百零五員零八

除支之外實存銀三萬四千三百六十七員九毫八五

已上所錄本港舊年進支糧餉各數，乃大英常例、上自倫敦、下及諸港各將

每年進支出入載列簡冊，徧告衆民，以示無私。至所有兵船兵役糧餉，比之港內支費更多，然皆由大英國庫給發，不在此數之內。本港是年所入之多，乃因省垣擾亂，人民雲集故也。

近日雜報

佛英兩國前於一千八百五十四年八月下旬興攻西俄羅斯南境黑海之西巴士多卜魯城於一千八百五十五年八月中克取之捷信到印度時總理大臣正值巡閱行抵南省之邦加羅地方即行出示宣諭如左

大英欽點印度各國總理大臣候爵大魯西

爲

通行宣諭布悉事照得上年俄羅斯軍侵凌土耳其國疆土

大佛兩國因已交聘結好誼極固密觀其危殆當即派調軍旅舟師爲之援

助自軍興告定戰期俄國船亟遮防各海口縮於城堞以冀障護迄今未

見其出洋對陣於是海面接仗則先攻其西北境之波馬孫衛城克而據

之後於士位亞駁有俄水師炮械軍器要區我兩軍用砲轟擊內有貯火

藥倉局烘發燃燒延及各房宇材物皆成焦土又於海疆一帶爲英師船

圍堵周密商賈舟船遏其駛行往來貿易停阻海道閉塞不通至於陸路

則初時俄軍進逼土耳其已抵其國北境界內未幾勢迫退去今反爲兩

軍合擣轉進於俄國界內自是以後俄與兩軍交鋒三次吾師俱獲大勝俄只得棄其黑海東南岸兒加示亞一帶砲城復行退逸其間沿海各處亦掃蕩偏奪甚而將西巴士多卜魯實一大城尤號堅壁圍攻轟擊用武之場亘古書史所載未有如斯鉅觀者今竟奏其大捷此城俄雖屯聚勁旅戰士衆多材實充盈智計廣集兵力雄固謀勇兼長而不得仍守而不讓所有台堡咸爲兩軍盡而據之獲其大砲四千位兵械儲蓄無算終之黑海值巡各幫師船百有餘艘計可載砲二千餘門全行燬蕩或遭焚化或付沉沒無片板寸鐵存焉本大臣當行宣示深增愉樂之極茲戰功之盛兩國獲巨益而著威名在我

大佛皇上
大英君主 實思此舉惟仗

上帝錫予之大慶已竭誠悃恭謝

鴻恩本大臣敬維凡英屬東國皆宜恪共遵行議欲選期於十二月初二日以此次我

大英君主暨友邦

大佛皇上、合軍進征、屢獲大捷、特將西巴士多卜魯克取之福祉、恭謹告謝上帝、以誌慶典、爲此通行宣諭、咸使知悉、合飭印度地方各駐防武員、當堂開讀、俾各營軍兵肅聽、各處文職、卽以抄錄懸貼、與各黎庶兆姓、一體周知、出示時、如在

御前、施放號砲之數、各宜知照、特示。

一千八百五十五年 十一月初五日 卽係乙卯年九月廿六日在印度

南省邦加羅示

示內所云、亘古書史所載、未有如斯鉅觀者二語、蓋以西巴士多卜魯城內、凡軍儲器用、蓄積四十餘年、各物靡不豐饒、且其城北大路、直通京師、軍士往來、毫無窒碍、近日炮位重大、比之往日、更相倍蓰、英師亦建有火車鐵路、用火車以載運重器、罔有艱辛、更有電理機、以傳遞消息、凡軍機報捷等件、瞬息萬里可通、以上數端、皆今有、而昔無者也。

洋船在香港搭載唐人規條開列

此規條乃由大英國會頒來，因見租船搭載唐人者，每有惟利是視，其弊多端，故特酌此良規，傳來曉諭，俾租船者有所持循，搭船者無妨意外，誠爲法良意美也。

凡有搭載唐人洋船，船主如有故犯，後開各款條例，按法可將船隻充公，或將其人監罰，別人同謀違犯規條者，每次罰銀一百磅。

一凡有洋船搭載唐人往別處地方，過於七日水程者，須稟請督理，適他國搭客船隻官給發牌照，方得開行，其牌照要遵一千八百五十五年所設爲洋船搭載唐人，則例內所載牌照款式。

一凡有洋船搭載唐人，要預先七日稟官報明，所往之地方，並開行日期，船中要醫生一名，傳話一名，候該官員驗察，視其各能勝任者，然後給照。

一該船既經稟報，須任由該督理官員，時到船上稽查船身、桅、艙、繩索、家伙什物、伙食等件，倘有攔阻，及不遵查閱，按例每次罰銀一百磅。

一督理適他國搭客船隻官，凡查閱船隻是否遵行，後開各欸方可給照。

一須驗明其船隻堅固，船戶水手人數足用，桅檣繩索堅妥，船艙通氣，船中所貯之貨，總勿潮壞薰蒸，或逾額滿塞，或堆放雜錯，種種不妥，皆於人客有碍。

一船中二層櫃面，搭客十二歲以上者，每人至少有位高六尺，長六尺，闊二尺，共方停七十二尺爲式，一歲至十二歲之幼孩，兩名以一位計。

一船面，每客要留地五尺待用。

一伙食柴水，一俱要佳品安置妥當，按行船日數，照依後列欸式，辦足待用。

伙食開列 每日每人

米一磅半，卽十八兩，鹹頭半磅，或全猪肉，或二份魚，一份肉，或猪牛肉，各一份，魚一份亦可，鹹菜，或酸菓半磅，水三個刮，五斤四，柴兩磅，茶三錢三。

一要備辦各處地道藥材，船上待用。

一凡有英國商船，載唐人駛往別處地方，過于七日水程者，該船主照依以上

伙食牌發給伙食柴水。至于以上所列床位餘地。或艙內通氣之法。除因別有大益于搭客。偶有改置。否則不許妄意更改。又毋得將搭客待薄。除當緊急之時。平常不得使伊等幫船上做工夫。倘搭客遇有疾病。仍須發藥盡心調理。須要遵依。開行船照所註明。應到埠頭。到時經過寄錨取水。及辦買各件緊需之物。必須將各客直載到所往之埠。毋得虛將時日攔。

一該督理官員。臨期要令各客齊集。查問各人是否。知往何處。若有與人立合約而去者。問明他是否。知該合同所載之章程。逐一查明。然後給照。倘有合約所立。該官亦宜將合同抄白。或將大畧要節錄出。粘附照尾。倘客身有病。或衣服未得足用。或所立之合約不公。或疑伊等是受人拐騙下船等弊。該官可將其船留住。或合意可着搭客。不拘多少。再行登岸。

歐羅巴新聞畧

舊歲十一月。俄帝親到西巴士多卜魯城。觀察形勢。且在營中與兵士密議事。

宜卽便返駕回京議者謂其已無鬥志將有和心未知是否○十一月十六日佛營軍士爲轉遞火藥過桶瞥見鐵碎一塊卽用手投之於地不料鐵與石觸忽然火着將火藥局一掃焚清延及英營藥局亦同時被燬佛局被火焚死者三十人英局焚死者二十一人受傷者英佛合計共三百人佛局焚去火藥十萬磅英局焚去多少未得實報英佛藥局衆多故雖各有所失亦不甚惜所可惜者傷去人命耳○上第二號所載九月廿九日俄軍在黑海東南攻擊土耳其之加士城土耳其總軍有兵二萬屯營于黑海之濱離加士城約四百餘里聞報往援于十一月初五日師至中途適遇小河相隔對岸有俄兵堵禦土耳其軍分四隊涉河而戰約戰五點鐘之久俄師敗績死去軍士四百被擒五十失去大砲五位而土耳其兵死者祇一百而已○撒丁國王于十一月三十日駕到倫敦與英后相會英后夫君拉往各處游觀一路英民歡聲載道到處皆以譽文進呈蓋以其在國愛民如子故也十二月初六日已返駕回國云○俄自失去西巴士多卜魯城後所有軍糧皆屯聚于北邊亞疎海內于十一月被

英軍將其儲糧焚燬致俄軍大為心怯。且因大時苦寒，是以未有交仗。

前號所載有花旗漁船水手二名，被朝鮮人提解北京。後復轉解上海一事，茲又有四名遞解，依前轍。○正月十二日，近舟山海面，有紅頭賊船一帮，劫掠米船，被英師火船與唐人火船救護，獲其大船二號，小船數號，生擒賊目十一人，解至上海。唐官審訊數日後，已正典刑。○聞說江西省被賊占踞，臨江撫州袁州三府未知是否。○二月初一日，港內勝隆行在按察司衙門控告某店欠銀四百，訊實皆是虛詞，擬罰勝隆行銀一百員，罰証人銀二十大員。○正月本港提刑署有新官名晏士地上任。○本月十五日，本港量地僚佐官與帑項僚佐官皆遇病卸任回國。現量地官署以兵官一員代理，帑項官署則以全港僚佐官與該署司辦二人同理。○統轄咪哩邦所屬之省總督大人于十二月三十一號身故。○本港于二月十九至廿一日，在黃坭涌門馬。○二月廿三日夜本港上瑤魚市火災，斯時火乘風勢漸延及太平山脚鋪戶，官憲見山上鋪屋魚鱗雜還，苟火勢相連，難以撲滅，故將接近火頭之鋪戶一間用火藥一百二

十磅攻燬以斷路火然後火勢乃止所可惜者方攻舖時尙有數人出入其中叱之不聽致被斃命想必此數人內亦有爲搶奪財物者會計共焚去舖屋七十八間焚去貨物約值銀八萬左右良可惜也○二月二十日有小火船拖兵船一隻往担杆頭捕賊獲得賊船三隻擊沉二隻被逃脫者四隻○正月有英兵船一隻由香港往廈門于三十一號船到中途適有西洋華艇與唐人大貨船一隻船內貨物值銀三萬均被賊人擄去該失主向兵船求救于是親帶兵船協同唐官捕賊奪回華艇唐船二隻獲得賊人九名交與唐官究治○自二月一號起至廿七號止唐人搭洋船入港列下由寧波來者二人由上海來者八十八人由舊金山來者六百一十一人內有婦人三名由廈門來者十六人由呂宋來者八人由舊州來者十五人由福州來者四十六人由新金山來者一百七十一人帶得金砂約值銀十四萬由山頭來者二十人○傳說大英與中國交易貨物每年大英納稅與中國者約銀一千四百四十萬亦可見中國大

有利益也。

近聞港中有洋船船主將船租寫搭載唐人前往新金山咪厘邦埠。但因唐人未知該埠條例爲此示知。近日咪厘邦埠新設規例嚴禁洋船搭載唐人過額。要觀其船墩數而計。十墩載一人。連船主水手在內。另到埠每名搭客要收醫生銀拾磅。四員八毫爲一磅。十磅卽四十八大員。倘身價未交。而船主先着搭客登岸。按例罰船主銀式十磅。卽九十六大員。倘載客過額。按例又將過額之人。每名加罰銀拾磅。此則新例。已於去年英十一月在彼地頒行。果如是者。船主將何以處之。過額每名交銀式十磅。不過額每名亦抽收醫生銀十磅。船主豈肯代支此銀。既不肯代支。其將搭客除交水脚外。每人另備辦銀式十磅之數。以爲代交之資乎。或則船主只得將搭客載往別處。不到咪厘邦一埠而已。爾等搭客須預先訪查明督各要欸。方好交水脚銀。領紙下船。以免受人騙惑。深貽後悔。

此例是澳大利卽新金山咪厘邦所屬一省設立餘省概不頒行